

լածանք ու պայքար չմղուէր տպէտ ու վարձկան կղերին կողմէ:

Իսկ Մայր Աթոռի ողբալի դրութեան վերջ տալու և էջմիածնայ վերանորոգիչը հանդիսանալու փառքը պիտի վիճակէր Սրապիոնի կրտսերագոյն և Գրիգոր Կեսարացիի երիցագոյն աշակերտ Մովսէս Տաթևացիի, որուն համար Սաչատուր վրդ. Կեսարացի, իրաւամբ կ'ըսէր. «Կրկին Լուսաւորիչ կղեւ Հայկազուն սեռիս, նորոգելով զՍուրբ Էջմիածին եւ զեղծեալ կարգս մեր, որ ի քուրսքենե յառաջնոցն»:

Բ.

ԳՐԻԳՈՐ ԿԵՍԱՐԱՅԻԻ

ՄՆՈՒՆԴԸ ԵՒ ԴԱՍՏԻԱՐԱԿՈՒԹԻՒՆԸ

Գրիգոր ինչպէս իր իբր մականունն գործածած Կեսարացի կոչումէն ալ յայտնի է ծնած է Կեսարիա:

Իր ծննդեան թուականը յայտնի չէ, սակայն կրնանք ենթադրել թէ 1570էն ուշ չէ, վասնզի 1595ին վարդապետական գաւազան առած ատեն գոնէ 25 տարու և 1634ին՝ գոնէ 64 տարու՝ եթէ ոչ աւելի՝ ըլլալու էր «Կաթի հնաշեալ ծերագոյն եւ ցաւաքնոս» (Գր.